



草堂雅集卷之十一


彭深

字仲愈廣陵人無書不讀通五經性行純謹言笑侃陳君
敬初深敬事之來吳中予甥張大本首延致之授舉子業
戶外之屨常滿江左碩儒也

巴陵女子行

巴陵郡西江水渾赤沙黃壤東南奔邇來湜已百載中有婉

玉山顧



變之忠魂當時郡有賈氏婦志節凜凜：摩乾坤家亡國破身執
義不辱乃是韓魏國忠獻五世之曾孫臨平湖開石封發五陵
氣盡天房昏甲馬三百萬北來正噀：連城破竹勢迎办牽羊
係頸投冠解綬肱窟匿俱紛：不意弱草中見此松栢根讀書
不學曹大家事夫却是桓少君：臣大義本與夫婦一慷慨萬
古保貞操視生死朝夕不啻富貴如浮雲恨不生為男橫戈赴
三軍栖：臨絕音耿：昭人文練裳縱橫四百字上陳祖宗創
業有至道下斥姦邪誤國偷生存吾詞既畢今已盡精衛何苦

猶銜冤想當捐佩入不測幽光上浮白日銜陰魄真塞珠宮門
湘靈罷瑟虞妃泣馮夷長嘯羣龍翻至今頌其詩感其事令人
浩氣填膺那可捫或者疑之不能成人善謂其見夢于人不若
效靈史氏為可惇烏乎時無歐陽公斷臂之婦終無聞何以愧
賣降表貞節薄俗那能諗菟園我願然屏取靈骨封以夏屋旌
以石表雙高躄奏之大廷布天下激厲臣子皆忠淳可以扶三
綱止人倫謂予有不信請視賈娥墳

怡雲軒歌為茂上人賦

怡雲軒前古松樹日，雲來滿幽戶。怡雲野老對松眠，看雲自
來還自去。非烟非霧流光晶，白衣蒼狗倏多形。有時驟雨動靈
恠，恐是老龍來聽經。飢食坐單行，復息心與浮雲兩無迹。鉢中
水是天上泉，窓隙鏝非山下石。青天湧，積空寥。磅礴雲間無
遠途，乘之瞬息千萬里。靈鷲峰頭雪未消，我樂在雲。我悅相
從不似長拍別雲歸。岩洞我還山碧潭，夜看孤月。

送粹上人還天台養母讀書

逝川無停波，浮雲時獨飛。十年出家去，早著遊子衣。朝帆南海

雨濕綸巾，投林鼠雀終無角。出谷峯峦半似人，濁世無憂惟隱
者。願分藜藿老天民。

送樊仲宜

樊郎昔補太常掾，郊祀通天致敬時。先過果臝張鼓樂，後從鹵
簿建旌旗。頌宣即用金書刻，讀祝還令玉板持。今日江南見樵
者，命渠歌作贈行詩。

送謝子方歸臨川

連雨淋浪不耐秋，江行已試未綿裘。侍中無夢思通籍，肘後有

書能校讎身坐米舩歌灌口眼明瀑布是江州到家先謁虞夫
子定作芝亭一月留

次韻慶雲衲二首

數竿修竹便為鄰有力任春來是貧世事空隨流水映關心自
與白鷗馴更招遼海傳書雀為問玄洲種玉人還有佳期同晚
歲白頭相對豈無因

東來孤鶴下林梢破屋蕭條不剪茅況土池頭雲氣合繡軒臺
上樹陰交關心詎遣神為馬辟毒方慙祝代庖忽寄新詩到玄

航暮采北山薇孰云方外樂倚門有遐思九、赤城山中有鳥
烏慈娛嬉在斯昔况適靜者期翔風吹大江越榭淡寒暉顧瞻
東歸屐夢繞玉溪湄

送丁好義

晨登吳王臺蒼然望八荒大江東南去浮雲西北翔中有鸕雛
飛前隨隻鳳皇梧桐正蒼翠亦待鳴朝陽白露湛清秋山蒼已
黃、折之欲相贈歲晏同幽芳

寄沈昂臣

中庭好卷樹欲發遲良時春風一嘯拂繁：已盈枝青實未堪
摘苦心良自知朝榮暮憔悴物理固其宜願將合歡草持以遺
所思

宛陵大江左我家更在東憶子到縣時目寄孤飛鴻滄浪無釣
艇海洋多颶風遊鱗向何處遠將消息通嚶：雙黃鸝躑躅芳
樹中聽之有深意白日已匆：

鄭氏義門詩

有歸者門摩霄切雲丕昭人文鱗集而充櫛比而從伊鄭之宗

桓：其振楔臬孔明載闕于行重慶在掌曾玄日昌有質必良
父教子歲兄愛弟欽樂且弗淫服五而窮查九而同益衍以隆
黼黻羽儀學：師：維禎之幾牛蹄角千其龐百章共牢勿遷
天將孔揚以顯休光聞于聖皇：帝曰都尔嗣克圖宜旌爾廬
絲出而綸玉輝璘璠勅我子臣絢爛非烟膏露醴泉三秀植焉
童胤旄期作息娛嬉益勸而規其規維何百忍一和承天弗頗
彼張顯唐此陳九江孰與比量噫噫汙流德色鈕韞於臂乾餼
目質于詹心膏于慚弗死曷探江浦之源汙浩澄淵可挹其清

伊我人思孝友同歸天下無為斯門斯言千萬億年與國永傳

芝山吟

徐君勉之番陽人芝山在番郡之陰世傳山常產芝郡人
往以科第顯勉之兩舉鄉進士得山長慈湖人謂勉之
若有不釋然者予故為道其所樂作芝山吟餞之

西山有靈芝我采如其芳吐氣為卿雲絢爛紛天章紫微上卿
不敢惜手扶氛埃看五色虎豹衛闕深九重倏燂電光迷白黑
歸來不是故山遙天風卷幔正飄飄化作慈溪泮林雨坐令嘉

植長春苗碧澗冷煮芹藻恰侶山中采芝好咀華滋味與人
同梁肉朱門祇素袍闔閭城頭秋日涼停雲只隔錢塘江西山
日夜生輝光山中紫芝煒長更結飛霞高頡頏

涂頴

字叔良

題韓與玉春山行旅圖

枉路越川梁如區綿海甸衡阜望茵閣遠近皆可辨夕嶂青若
藍春雲白於練去矣諒云遙聽鐘自忘倦

欽察海子上

醉卧藉芳草青天若穹廬頽然無所覺恍惚夢華昏日落大荒
暮天清雲物虛不知飛雨來洒我貂襜褕起坐向滄海高歌望
天衢長懷既莫展此地聊自娛壯歲思學劍閑來對呼盧潛蹤
混羊豕何必事詩書

鄭節婦詩上京人老而未獲旌表

飲水不為清食藥不為苦白髮守孀閨含悲涕如雨常憐衰朽
質蚤歲喪其夫粧臺掩明鏡翠閣弃華鈿自誓比共姜無兒哀
伯道天命可奈何人心當自保南山石可轉此志終不移東海
水可竭苦節終自持嗟彼薄俗中紛紜數倫紀雖見旌異門多
在王侯里誰知冰玉潔埋沒一何傷獨有中天月遙夜照肝腸

牛羣頭懷鄉

日出漭蕩外風生遼廊間將軍指大野游眇漢南山五月雪猶
凍平沙春草寒跼鳴壠烟曙氈帳亂廻環行役方未已羈懷恒

鮮權南禽戀越樹，岱馬思燕闕。悵矣風土異，覲焉遊子顏。故鄉在何許，漢水徒潺湲。

簡漕府劉經歷

貢賦出天下，東吳最豐贏。連艘轉大海，輸傾實瑤京。天子方旰食，屬念在群生。鸞臺較英俊，贊理慎王程。肅公府靜悠，蓮幕清攄誠。閱簡牘，思用致隆平。中原久荒蕩，豹虎况縱橫。軍儲急會歛，何以恤其情。昨聞畿甸間，詔令募民耕。秋風熟秔稻，委積若墉城。並將資國用，庶足緩絲征。

題山水圖

憶昔灤陽八月歸，北風吹雪洒秋衣。槍竿嶺上停車望，萬木蕭蕭落葉飛。

上京次貢待制韻

海風吹雨度龍沙，滿眼金蓮紫菊花。日暮笙歌何處起，高低宮帳立侯家。

蓬萊仙子學長生，犀帝朝天絳節迎。昨日六龍迴北極，雲裾霞佩集灤京。

竹宮宵子秋風晚芸閣沉子晝漏稀獨有蕃僧承認紅衣白
馬退朝歸借得仙人白鹿騎瀛洲真館住多時夜深忽見江南
月却憶親知久別離

馬慶

字公振岷山之東滄人幼酷志讀書多為縉紳所知好文
尚雅以華其家聲與余有姻婭今之所錄皆楊鐵崖所稱
愛者

春夜樂

越羅複幔茱萸紅感金繡帶蟠雙龍銅盤膩燭傳香蠟簾箔星
光釘文甲金刀割紅子釜烹葦菹壓春頰玉鑿神山舞盤踏月
行雁沙印雪留雲纓朱絲冷子金粟柱風流上客瓊林主碧海
烟中采香嬾濕花仙骨沾春雨

和楊廉夫新居韻

楊子樓居飲馬河書舟日子艤晴波未論粟里功名薄摠為夔
州詩句多遠樹入簾秋若画亂雲渡水白於鵝何當共把凌風
袂醉和仙人錢遂歌

姜東園雅集分韻得兩字

步出東郭門曦車籟雲上園容媚婢媚海色射泐莽老仙瀛洲
來鐵遂奮逸響好鳥啼木末驚起飛兩三珎圖襟湘帙於烏得
真賞清驩信泱洽間情足蕭爽歸欵掩閑坐俗駕毋勞枉

獨酌謠

獨酌謠獨酌當中宵中宵萬籟寂獨酌興歌謠玉露下金井銀
河流素濤一酌再酌神思超安得十洲仙人共傾倒駕風鞭霆
歷覽八極同游遨魯戈莫麾斥義車莫招搖便當甕頭醉咲解

黃金貂君不見車輪馬足長安道鷄鳴五更天未曉又不見北
邙風雨跡如掃石馳斷碣眠秋草天飈冷々吹我襟獨酌獨酌
慰我心流光去人那復得洗盞自歌還自吟

盧昭

字伯融閩人僑居東滄從明師為舉子業詩文猶有法縉
紳先生器重之余交于其父子間視伯融猶相愛重云

酬楊子固

我愛三山楊子固能詩似是謝惠連兩家通好只青眼十年不

來今白顛故園春色烟塵際清夜好懷風雨前可耐明朝還欲
別楊花飛送渡江船

送清上人歸莆田

有懷白髮中軍老飛錫冷然下翠微龍女細聽雙樹法天風不
動五銖衣江頭日暮多塵玉谷口春深長蕨薇故國蕭條丘壠
在相逢猶憶未同歸

送會稽朱景初遊維揚

日長併醉竹西朱樓九曲使人迷夜深應有慈親夢起看青

山似會稽

送道士之京

五色雲衣襟珮璫大明宮裏拜君王金盤玉棗傳仙實龍簡瓊
文刻帝章每候和鸞祠太乙摠看鳴鳳下朝陽鑑湖一曲還歸
老都道當年碩監狂

題昭君出塞圖

草黃沙白馬如雲落日悲笳處一聞此去妾心終許國不勞辛
苦漢三軍

關山北上幾時還一曲琵琶掩淚彈獨倚穹廬望征雁舉頭見
月似長安

采蓮曲六章送蘇彦章奉母歸汴

江南可采蓮江北日沒暮阿誰脩孃殮擘舟渡江去
昔日江上蓮葉小如錢今見房中子含笑吳清漣
濯之秋水蓮之遺慈母莫嘆華色衰懸知子心苦
蓮葉大如蓋魴魚潛在陰魚潛尚知處吁嗟游子心
食蓮先食葍踏藕先踏水葍苦心自知水深恨無底

蕩舟遡迴渚零露沾我衣紅芳日以歇載之與同歸

江水一百里送瞿慧夫

江水一百里客歸春亦歸南國双蛺蝶直是繞人衣
江水一百里春帆五兩輕遮莫潮來未須教醉裡行
江水一百里江流曲是環殷勤問江水幾日送君還

精衛辭

有鳥志堙海噉石到海邊石轉心不移但礪尔喙短日復夕海
復遠石可竭海可滿精衛之恨何時斷

擬烏夜啼悼從母弟曹生沒于陵河

烏夜啼飛來栖我庭樹枝烏啼不祥母惡之母生季子年廿六
買舡海行輸豆粟昨日陵河有書至前月風波葬魚腹婦姑相持
哭向天路遠不得收骨肉并羸其瓶水迴覆人生涉險終自拯
鬼招浦口悲風來烏啼遠樹聲更哀願推四山填海水他人母
令有如此烏夜啼：鳴：婦朝上堂再拜姑勸姑莫打枝上烏
烏今反哺有是雛子胡不還母在家

擬車遙送蘇彥綱奉母歸汴

車遙，幾千里朝發吳頭夕楚尾車中美人誰家子雲駟聯翩
去無已車復驅車可使車無輓車無輓不行母無子何之臨岐
商歌奉卮酒牽郎之車壽郎母酸風北來雨雪寒願郎歲暮當
知還車遙：歸汴州投尔車下牽縣尔車上駟莫學從前事長
遊母之念兮朝夕不能休

古意

良人去悠：出川還入洛不省道里遠但愁風水惡胡為不懷
歸日夜苦棲泊道遠終致之車輪不生角楚：生紵衣去時與

郎着勿遣塵上緇塵緇徒澣濯妄言諒無訖生死將有託金多
詎云貴飲水祇自樂

題墨菜

薇生西河阿茶生南原下結根各有地不與同甘苦薇老不可
食茶今復如飴甘苦有時易貴在知者知

擬同聲篇送瞿慧夫學錄鎮江

幽谷峇空響鳴鶴和在陰全聲自相應感茲意弥深子嘯我嘅
嘆我歌子援琴宮商諒相宣不如我同心維時文化洽貳教良

所任爰有芹與藻米樂且湛顧瞻白雲翔寧不懷故岑勗哉
躅前修秧著德音

題海棠金眉圖

灼灼棠之華有鳥咏其英遺音求匹儔使我懷友生睠彼春載
陽品彙咸欣榮如何梧桐上不見鳳凰鳴

題梨花錦鳩圖

山梨著花春渚曲鳩鳩樹頭啼角角文鷹錦翼何離從晴呼婦
來兩逐之不如王睢在河澣聞和鳴還並處

賦魯子昇檢校宅雪中紫牡丹

拾遺門前車似水
歲暮傳看魏家紫
獨持顏色犯冰雪
不作春妍競
蕊李爨上凌寒散
晴葩洛中定
應無此
春滿堂
雜佩亂窻
玉一色
碧雲承紫霞
醉披鶴裘酌銅斗
問渠可是華神手
折華起舞奉卽母
年對華作長壽

送清上人橫易觀母

上人自是無家者
甘旨高堂未忍違
每有庭萱生客夢
難將寸報春
暉江花繞水迎
舩下雲葉浮空近
錫飛清夜寶洲心
更

切相期須及雁全歸

賦牡丹

煖風輕雨破花初
仙態惺鬆似索扶
承露搃看金作掌
雲深訝玉為
孟香籠畫帷
仍熏麝酒暈
春客更點酥
老去風流渾未減
快傳絲筆倩宮奴

送駙馬觀稼軒同知辰州路

使君南貳辰陽郡
奕葉人傳舊相家
莫向將軍問銅柱
好從勾漏覓丹砂
會田五月多遺稜
沅芷連天瀾
有卷飲射早聞成雅

俗遐荒今已似中華

送鄭元永歸永嘉親父

中宵清夢落東甌不為青山一日留
蒼迥辛夷歸別墅風含柱
若下春洲深懷置膝恰文度每愛將軍從太丘
醴酒高堂真樂在江湖深為謝盟鷗

次陳敬初送貢泰父海上回舟韻

甬東陳生江海士歸來文采鳳毛新
蕭子神駿不受繫肅子驚鴻還避人
待月瀛洲重視州望雲赤水竟回輪
憐才獨尔中宵

坐百過清詩不厭頻

十年京洛負幽期此日相逢菊滿卮
隔幔華星川上動近人涼月樹中移
草玄自信愁方適嗜酒漫嗔老更痴
不有栖遯吳下客秋來那得慰愁離

過吳淞江

霜林織月墮疎烟有客同舟思欲仙
何處吳歌聞白苧滿江秋色坐青天

瞿榮智

字慧夫嘉定人明易憲府試辟後青龍鎮學教諭多寓雲
間雖與交遊而得其詩不多焉

和羲仲韻

莫恠清狂似謫仙乘涼遠道玉山前
劍簫夜連黃姑渚翠被風生越鄂船
雲樹亭臺全却暑芙蓉簾幙芊浮烟
賦詩刻燭良宵飲知是衣冠不乏賢

吳鉄崖先生東玉山隱君

老鉄仙人海上來海雲長日護樓臺
玉簫綵鳳時下黃雀珠簾面、開不逐
蟾娥歸月府却馮華使過蓬萊見說武
陵重有約一溪流水似天台

次韻呂養浩

客子頻煩尺素修江雲變態故生愁
山迴絕磴參老樹蒼隱重城縹緲樓
雨裡未須秦望屐雲餘擬汎越溪舟
蒙郎古道多歸思桃葉春情隔渡頭

十一月廿四日紹興作

秦望山頭雲氣生
越王城下湖水平
梅峯欲放不盡放
雨色待晴還未晴
銅駝金谷非故里
青衫白髮徒虛名
可憐百年已過半
空嗟萬古難為情

盧彥志自台州候官至維揚

台州候吏揚州去
驛馬回途一月期
官寺偶分銀燭坐
客樓每恠玉杯遲
山中桃樹仙人洞
天下瓊花后土祠
盧彥此遊元不浪
錦囊收得數篇詩

次韻監郡魯公

鏡裡湖光煖
欲波客情惆悵不能過
落花簇簇開岩岫
雪片飛飛起鶴鵝
載酒小舡輕若葉
穿城夾膝小如梭
每因公事歸來晚
無奈重樓月色何

祗合明時早掛牙
謾勞車馬駐江東
烟開溟海清
葉葉水滿平湖
沒雁鴻
星騎夜馳遙
閣下雲旗晴
卷石城中萬方應
喜平辟寇當興汾陽並大功

次張句曲題揚鉄屋新屋詩韻

亭子高臨洗馬河
亭前夜月動微波
倚闌天上簫聲發
卷幔岩

前色多未許韓家脩五鳳欲從房相賦群鶴連城芳艸遙相
憶誰解玲瓏醉後歌

寄莊蒙泉

樓殿高低瞰海邊潮生靜看月流川秘函夜誦天仙下香積晨
齋綉佛前碧蓋團雲陰寂々珠旒分雪溜滴々支郎絕愛山中
景吟得篇詩與世傳

東熊松雲

西園無奈景純何陶寫新詩日漸多宜似蘭若飛翡翠每嗟荆

棘長銅駝日曛山掩收黃霧秋入江風動白波復憶松雲老交
學醉乘簫鳳肯相過

寄張伯函

服食年深玉雪臞半簪華髮不成梳入山早弃人間事閉屋獨
修河上書丹火夜明雞犬宅劍光寒辟斗牛墟擬將一匹鶴溪
緡寫作玄洲舊隱居

張遜

字仲敏姑蘇人博學善屬文書畫俱絕戶外之屨如積累
期道州堂弗果今所錄詩皆為余所品題也

題桃花溪

種桃如種柳容易得成花千樹恐無地手原堪十家晚風迎窈
窕春水繞汙耶久不通人問循溪步曲斜

題杏花開鵲

公子宅前紅杏林強上雙鵲聞春心一從訛尾東風裡明日深

閨問好音

題葛仙翁春圖

魚遊沸鼎莫避留儂石逶迤向廣州抱朴書成牛背上泛教鷄
大有人收

無題

銀屏曲掩秋塵何處車聲五色麟飛燕曾為掌上舞崔徽不
及卷中真蕙荅清露紉成佩菱帶文波綉作茵獨倚疎桐無限
思盡馮鷄卜問江神

一夜冷風入翠幢夢魂長是遠湘江香螺脫屣烟生帳豆蔻含
胎蝶滿窓碧岫臺空雲雨斷絳河星動女牛双牢愁得似秦城
遠幾日重圍未肯降

果惡涼月午陰移漢、重簾怨阿螭竹泣啼紅猶染淚藕分纖
碧尚牽絲題封欲寄金條脫收子休彈玉局棋惆悵章臺南畔
柳何人折盡最長枝

新水流雲滿綠鼻西橋微步听黃袍空傳解佩酌文甫只惜能
詩似舊桃柳色障塵侵小扇荷筒含雨沁香醪蛾眉老去都陳

迹懷古懷春謾自勞

留別李五峯

秋風曾過青蓮館西蕩誰傳白雁書只擬馬遷為太史也知枚
乘有安車客星當戶江清夜華月浮空雪霽初如此好懷舟莫
發憑高釀酒鱸雙魚

懷真居張先生

不見真居張外史故園牢落已經年山中絕境如三島河上遺
書著幾篇竹榻何曾延俗客瓊樓只合貯神仙扁舟有待秋風

後重約湖陰日扣舷

題挾彈圖

綠樹陰，水滿堤。春風立馬看黃鸝。憑郎金彈莫輕發。恐有慈
鳥來上栖。

次唐本初韻

霜崖牛鷄唱出林。群鳥繁誰歟。驅物來澎湃。如何源客簷。得南
向仲冬氣。猶喧坐井窺。青天遲覺陽鳥奮。勉將聖人意一對。童
子言九齡。與玄文。要之矢弗諉。

古道苦埃墟。微言易風波。屈性以殉人。極喪尋斧柯。遊心欲避
遺。却挽塵鞅過屠羊。固所願。有待遲蹉跎。小楫不受膝中流。憑
渡河來者。倘未期。我樂非無多。

李簡

字士廉。廬陵人。僑居吳之崑山。操守端方。文學優贍。好右
尚雅。傍通陰陽家書。與予相去無一舍。然多居錫山。故其
詩不多云。

次唐本初韻

接道周南多滯留，寥々杜曲可真遊。
駐顏無後青精飯，取醉能踈藥玉舟。
獨雁叫雲天拍水，斷鐘送曉月當樓。
庾郎此夕懷同賦，一發商聲報荅秋。

秋興

黃落小川秋氣高，一聲白雁過江皋。
西風芳篋收團扇，涼月重簾落剪刀。
倦志已孤紅叱撥，牽情何事紫檀槽。
吳霜易點青鬢，莫道當年記得牢。

袁泰

字仲長，吳郡人。父易，字通甫，以詩名。有靜春集。行于世。而仲長與予交尤密云。

秋夜書

夜永月未出，星河爛盈門。
商飈振高梧，下有群出喧。
促機織，依々如訢言。
炎蒸未云幾，涼思弥乾坤。
驚心節物換，換事巾襟煩。
但見川水流，莫知塵玉昏。
朱顏自茲異，白髮亦已繁。
未苗布東塍，果樹列西園。
栽培雖異地，生成本合根。
華寔各有待，凋

零性長存若看碩大衣遺蔓仍籬藩

送幹勅允常赴秘書監典簿

石渠天祿秘藏初錦帕牙簽御覽餘顧問有時勞檢閱崇文無
日倦收儲千年汗竹傳科斗四庫香芸辟蠹魚承詔定來東觀
讀青藜偏照卯金書

唐元

字本初姑蘇人讀書博雅有舩號一葦杭圖書古玩列離

左右浮游江湖日哦詩其中自號葦杭子每過予溪上必
繫舟柳下終日譚笑

虞山秋夜

迢迢秋夜長青燈半明滅棲鵲遠竦枝溫螢依腐葉谷虛振幽
響室靜生虛白數聲誰家笛吹墮西窻月

東臯

喧晨出東臯春風襲杖屨溪流帶落花晴烟裊飛絮濯足竹邊
泉散策松下路幽禽忽驚起飛過溪南樹林深疑無人俄聞響

機杼

文質

字學古爾東人居吳之婁江有詩名好為長吉體酒酣長
歌聲若金石游

京師為朝貴所知每過草堂必談笑累日所錄皆口誦云

題芙蓉画屏

大液池頭月色涼夜深天上按霓裳西風吹醒游仙夢尚帶清

秋玉露香

沉水烟消啟綠窗涼秋又見木葉雙日斜睡起銀屏裡應是相
思到曲江

題秋林才子圖次玉山韻

石嶺西來竹屋幽寒驢歸去晚山稠溪頭霜葉似花落天外白
雲如水流

題風雨歸舟圖

西風木落九江秋黃鶴磯頭是舊遊憶得向年風雨裡青山無

數逐歸舟

月漉、送瞿慧夫之煉川

月漉、在菱水老塘千年漫不死
蒼苔已萎春蕙芳弦望茫、
連天髓月漉、在堞水桂影無烟玉如洗
一天清吹涼
春差琉璃碧破飛魚起
我家月明滄海曲
漁歌不驚鷗夢
孰脫中醉卧
竹葉舟白頭浪起
高于屋送君行月漉、

公無渡河

公無渡河、水漉、腥風怪雨捲空來
濁浪掀舟雪山起
妾力

挽公不我止
公既渡之竟如是
淚可竭情可滅
河水東流何日
歇

行路難

行路難
歷九土猛虎當途
狼在隄滿目
莽蒼荆菅深獵者誰為
弛矚弩行路難
渡江河其中豈無蛟與鼉
行舟往、看風色如
山大浪揚驚波水陸之險
尚可平人心對面
干戈橫浮雲變態
在候忽陰矢設毒
無獵驚君不見
史伯魚處
以直誠非愚
西邊鵲噪東啼
烏行路難堪嗟吁

折楊柳

折楊柳煩纖手
金黃細縷牽春愁
送客年々汴河口
汴水明揚柳青
此時傷心無限愁
同心結就孤舟行
折楊柳君知否
有書莫寄雙鯉魚
一度春風一回首

烏夜啼

烏夜啼江月皎
流寒輝去年養子叢木底
今年九子俱不歸
夜々啼多恹悽
網羅天地難高飛
反哺之恩竟寂寞
風寒冷落秋烟稀
烏夜啼々相思

城上烏

城上烏啼攫々朝啼城南頭
暮啼城北角昨日妻別夫
今日母憶兒烏啼烏啼
心愈悲征人去多歸不歸
烏啼烏啼知為誰

張簡

字仲簡姑蘇人讀書知古今
寄迹老子法作詩談雅有陶
常風隱居鴻山凡經吳中
雖少會面必寫詩由鉄厓寄烏

玉笙引

我嘗躡輕鴻浮空度瑤闕醉看碧桃花吹笙弄明月仙人王喬
薰雙成為作春水流花散崑崙十三鳳飛鳴相和鳴曲終飄然
上鶴去逸韻散落天風清自泛失脚墮塵世飛夢尚繚芙蓉城
浮丘公今不見白王龜臺走雷電雲和妙曲香無聞萬壑松風
洗清怨

春日齋居書事

垂簾覺春靜水檻幽情多蘭香舞雙蝶綠水浮群鵝微小晴雲
度輝々野氣和新柳帶長坂飛花汎輕波間居遠佳景芳事俱

憶坐松根石相看說大還昆侖雲一朵喚作九華山
仙花雲萬疊浩劫與春開却咲珊瑚樹焦枯作死灰
海上三神嶠嘗看羽蓋飄玉虹三百丈噓氣結成橋

次韻寄鉄厓

鉄笛先生老更迂摩空有賦擬相如奇文一變中吳學大筆猶
編後世書絳帳風搖珠絡索水窓雲沁玉蟾蜍小娃唱得新香
曲多是芳亭春雨餘

次韻寄雲林

栖神之山雲雨齊雪消春水漲橫溪長松正與層樓對高士還
同獨鶴栖每見迂名唯薄俗絕無塵事惱清閨燕遊一月不歸
去應爰竹林鶯亂啼

破山磻上聽水

破山龍去雨初歇坐聽飛泉澗石崗萬壑風雷喧地軸九秩雲
露瀉天潢好從細州陳瑤席更趁飛花送羽觴飲上流奔軼
者何年來此結茆堂

寄靈石張尊師

調訛忽々已初夏綠暗青山阿

初夏偶成

清風渡虛閣飛花集羅幃方欣晝晷永不覺春光歸鳴琴發逸
響嘉樹含清輝幽情多點悟澹景寧相遠覽書虛寂獨閑南
齊扉

次韻落日墟上晚眺

荒墟屬晚眺日暮烟華消落花散芳渚孤雲度暗宵感物微情
切懷人幽思遙辛夷花未發難寄最長條

和揚鉄崖小臨海

海靜不揚波仙人鞍鶴過靈峯七十二何處月明多
扁舟下彭蠡望見大君山只道支磯石移來天漢間
歌按霓裳曲分行舞舞廣庭天壇看星斗散亂若浮萍
海門棹馭出鯨吼浪花飛孔翠排於蓋雲昏黃鶴磯
龍子丹砂鬣金芒耀水盆真人忽騎去霹靂破天根
夜過洞庭曲青山五作堆仙人吹鉄笛白雀自飛來
雨過積金頂芙蓉萬朵青神魚不飛去風伏翠濤腥

揚許遺經久不聞能書只說華陽君清修每自披靈笈高卧因
誰寫練裙春晝雨晴山擁坐秋空月皎鶴成群何時去覓幽棲
地郁木坑頭禮白雲

送壬子克之京師

鳳闕嵯峨北斗邊馬頭遙覲極風烟石林鑿々河流急人海茫
茫帝宇連國子先生詢舊業白雲親舍憶高年匡時正用平生
學努力惟君髮尚玄

送徐教授曉山歸武林

三年言子邑寂莫鼓鳴琴官舍冷如水杏花春滿林化風敦薄
俗清氣集虛襟歸去吳山下青々草正深

顧盟

字仲贛甬東人高才好學館于杞菊軒此詩因李月壁所
寄云

賦翠微

倚山為宅似城間畊鑿縣知可療貧政想綠陰當甕牖但愁翠

圃清歌須藉玉壺敲

次韻范德原與倪元鎮城南倡詠之作

高士叩門方倚馬先生與客正爭棋也知溪上多佳集亦到山
中傳好詩滿地綠陰敷坐處隔林黃鳥把杯時城南我欲相尋
去買下扁舟恐後期

次韻范景逸立春日病中之作

歲暮西岑雪未晴范公祠下少人行探梅踏凍煩丹使扶病迎
春問麴生石竈茯苓和雪煮雲根流水似冰清瓜田數畝春泥

煖好課巖中子弟耕

八月十三日自鴻山歸吳舟中賦

扁舟風輕穩如馬客我領覽秋氣清橫塘水深白鳥下歌樹雨
濕青苔生東曹掾史有高興太乙真人無俗情去
吹簫喚孤
鶴明夜月滿姑蘓城

送呂惟清歸明蕪湖

蕪湖郭裡野田花曾見南朝舊將家九月荒茨飛社燕千年喬
木噪寒鴉江山風雨殊今昔文武衣冠起歎嗟扶卅歸舟有孫

子寧辭辛苦荅春華

次韻張田秀才見寄

樹杪青虫晴颺絲春城風物似年時貧餘許邁滄金法樂止陶
潛飲酒詩芳草青、連野濶征鴻歷、度江遲長洲故苑烟華
外千里懷人入夢思

紅梅

九疑山中得道女春寒石上飲流霞不知遺却玉條脫獨倚東
風暮竹斜

寄學可二首

九龍之山第幾峯
曾看飛雪下長松
小樓日夜聽春雨
忘却溪頭尋暮鐘

石上一杯清冷水
傳是若冰小洞天
借渠茗器登山去
春雪正與梅爭妍

寄阿山

最憶鳳雛年十四
臨池愛學漢中郎
西齋舊種櫻桃樹
今歲還應共汝長

次韻楊廉夫冶春口號八首

姑蘇城北桃花塢
日一敲門去問春
自是狂夫被花惱
求之不得亦愁人

醉舞花前倒接鞋
雙雙燕子共差池
留連只恐春光暮
芳露濕衣人不知

石湖春水如酒濃
披瑤萬頃開龍宮
我時泛舟過湖曲
無數桃花發舊叢

近得玄洲食玉法
不用采石登昆侖
景純解道遊仙句
海上鶴

來傳到門

江城雪夜深一尺欲問梅花馬不前
表生此時正高卧不知春
江有釣舡

玉壺春酒碧於海客至縱飲寧傷廉
已無俗事惱真趣只有清
香散寶奩

綠葦雙蛾新画眉風流堪賦比紅兒
綉牋無人解春意行旁辛
夷折柳枝

吳姬殷勤折簡呼青錦坐禱花中敷
聽唱梨園供奉曲新聲一

串麗龍珠

遊石湖泊平寺用唐人許渾所題詩韻

湖上春雲挾雨來楞伽山木盡低摧
吳王廢塚蒼如雪猶自吹
香上舞臺

閱真誥

長史昔好道鍊真三秀峯夜感紫微仙
降集華房中鸞鳥鳴素
月翠旒颺琅風摘辭托諷寓讚揚皆真宗
中有飡霞法可以回
嬰童刻之白玉檢藏之華陽宮真人有仙氣
乃得探其踪我生

慕玄素無由啟愚蒙
嘯咏金玉章
靈音聞九空
懷想起
宜想
颺然精靈通
馬能出器
滓歛忽駭雲龍

次韻答孫仲端

花落紅雲島
風生白玉堤
真人不出戶
芳樹自成蹊
掃地雨初歇
卷簾鶯正啼
此時不一見
春思轉淒迷

送王子充歸金華

春入長洲苑
東風已及時
苑中垂楊樹
吹作黃金絲
送君出春城
艤舟折桑枝
以此聊贈遠
相別仍相期
君歸金華山
當逢牧

羊兒母因入山去
遂爾來遲
楊柳飛花日
待君全賦詩

黃文德

汴中人號尚文子
讀書能文
侍父為玉山縣
教官因錢洞雲游廬山
歸故得詩于後云

寄玉山草堂

玄圃仙人吾未識
聞說吳山種春色
昨夜洞雲天際來
明月空齋坐相憶

自題曰予家汴中僑居闕之昭武甫官五溪適洞雲
錢居士通我得覲仲瑛揮玉詞翰魚美雖未能識荆
有不能忘情者賦二十八字附卷末他日洞雲歸淞
當出此為顧君一笑且以期後會云

贈錢洞雲

玉峯古洞多白雲中有學道癯仙人問言盡日說空有一朝興
入廬山春香爐峰高虎溪遠石上秋深長苔蘚白蓮不老秋月
明萬里浮雲自舒卷

顧瑛詩曰廬山五老香爐峯紫烟縹緲青冥中銀河
光搖白帶練明湖影落金夫容當時送客過溪處至
今古木號山風遠公香火有遺社白蓮墜露露秋重

周砥

字履道蘭陵人幼學舉子業且力意作詩不汎交來遊姑
蘇與予聚首彌月過草堂即往鴻山其與倪雲林最相友
愛故其詩畫亦相似之

夏日全強二秀才過鑑公山房因游仁壽精舍

尋僧直到梵王家便汲山泉為煮茶阮籍後來無禮法湯林何
用看袈裟醉眠石閣聽風樹步入松雲掃磴花與子歸時仍在
響蕭條墓道夕陽斜

寄楊文可

屋廬星散當山郭門前小溪相與通橋子壓樹千頭綠鯉魚跳
波雙尾紅空梁寒月拱夜鼠傍壁燈火鳴秋虫故人亦在他鄉
住此時作客情思同

贈俞遠明醫者

乘雲行泥志所異著書賣藥情可同野老自惟捫蝨客徵君當
是奪牛翁橘林華落丹井畔芝田鶴鳴雪氣中嗟乎濟人不求
報我特聞此緣丁公

寄周子羽

乃翁天性唯真率縱酒狂歌老未休不是生前渾欲醉却緣客
裡易為愁百年心緒留黃卷幾樹梅花共白頭昨過比鄰司馬
氏阿戎談論更風流

春日

空山窸々行人稀
罔頭落花如雨飛
罷琴惆悵不能已
故鄉寨落何常歸
南去百粵羽書急
北來三吳戎馬肥
安得龍驤擁戰艦
掃除倭寇揚國威

寄鮑叔書并簡強二秀

城邊楓樹葉欲赤
涇上芙蓉花亦繁
聊寫寒溫傳遠意
願逢顏色闡玄言
牙簽題字群書整
玉鼎焚香古制存
時在高齋住終日
強郎詩律最堪論

送福上人遊江西

西江、水漾明霞買得吳船泊晚沙春鳥銜花落經卷涼
風吹月上嚴梁廬山屹立千峰秀瀑布流傳一道斜愛爾
心源絕清淨東林寺裡白蓮華

題可意樓

吳興山水稱奇絕愛汝樓居事、清花片拂雲飄几席湖
光浮日動檐楹主人好學三冬足對客高談一座傾樂事
本來皆可意為君拈筆賦閒情

題毛遂執劍圖

六國爭雄勢若何紛紛劍客口懸河合從不作尊王計遂
也何煩用力多

題張道師所藏画

秋月無風渡海遲珊瑚玉樹碧參差明朝我亦三山去為
借韓衰白鹿騎

寄張習之四首

數日陰雨復寒凝沙邊草閣非倦登梅花蕭條竹枝瘦大

似不禁風雪

枇杷花開繞舍香竹枝披拂映滄浪舊兩故人不相遇亦
可寄書來草堂

空山寥々獨抱琴時過谷口之雲林自浚幽人采芝去不
見鹿鳴雙磻陰

夕陽在山雲在松々間石上憶相逢西林問訊屢有約且
可會面得泛容

枇杷樹下懷葛石泉道士

曬藥枇杷林秋陽滿山澤不知林間風吹花墮巾幘道心
政散浪野性非頗僻不有孤桐琴何以寄遠客

題倪雲林畫

雲水蔽清野蛾眉橫素秋一雨過大壑百川會新流未能
間至道寧即歌遠遊歲晏且歸去采芝南山幽

題宮人行樂圖

金宮游素女玉笛弄清暉月殿龍香度風簾翠影飛雲開
移絲伏花落卷春衣莫買相如賦長門事已非

庚寅歲秋九月余邀張習之呂志學枉過雲丘志
學過期不至獨與習之觴于紫霞丹房醉後因紀
其事

玄宮雲氣暖玉瓶春酒香亂山碧霞裡錦幃相依昂青童
奏仙歌半空鸞鶴翔飄飄興方逸爽思何長便呼張仲
蔚爾來共啣觴呂生褒衣人置之亦何妨詭浪古松下歌
傾琪樹傷惟茲遂真性誰復咲楚狂嵩高兩道士亦來與
徜徉勸我餐金液遺以辟穀方于時政酣暢仰觀天茫茫

不暇譚玄理邀之入醉鄉

鳳笙篇贈紫霞道人

鳳笙十三簧音響應天時自從軒轅調律後誰將絃管置之
虞舜祠神人以和鳳皇來儀後來作者不復知頗聞仙人
王子晉好作鳳鳴花下吹鳳鳴幾千載仙人吹笙至今在
昆侖池頭看碧桃玉振金聲過東海過東海遊蓬瀛金霄
冥鬱紫清空中嘹唳迴天教三十六帝下雲軒中有綵
女數百輩玉顏如花珠珮明手弄雲璈瑤瑟來相迎相

迎向何許鳳笙鳴朝玉京

送李生北上

李生東吳人住在東吳市手持買誼書去謁

漢天子天子白玉關虎豹守九閔黃金爛初日照耀蓬萊
山願為丹穴鳳飛入五雲間莫學襄陽孟夫子誦詩玉堂
空放還勸尔一杯酒與尔作離別西風吹折楊柳枝八月
燕山夜飛雪君當掛席大河去我還拂袖東山岑閉門自
掃石上月綠蘿樹底彈鳴琴

寄倪雲林

魯連有志節蹈海不復還嚴陵不肯仕歸耕富春山兩公
出處雖異代千古同高天地間我識雲林子亦是隱者流
一生傲岸輕王侯視彼富貴如雲浮鯨魚未化北溟水鳳
鳥獨宿昆侖丘含光韜耀人所慕才華自可稱獨步于美
雲霞五色筆寫出相如大人賦雖無
天子詔書徵不失前賢高蹈名且須快意飲美酒醉拂石
壇秋月明昨者相逢碧桃裏衣上春雲照溪水別君已是

幾月來芙蓉忽然江上開
知君此時卧烟島而我相思滿
懷抱何當借騎茅君鶴共入玄都
都拾翠草胡獨育巖紫芝
光

寫懷寄吳下一二知己

朔風吹庭樹寒雨集楊園
此時懷故舊悽愴不可言
憶向吳門道挾書訪遺老
兩公即相知把袂日傾倒
別來今幾齡白日不留停
五見枇杷樹開花拂草亭
相思亂心緒搖之無定處
飄若天上雲隨風忽東去
知君用紫烟清直如

晉瞿曇手持玉塵尾相對談
重立我若不得志巖居非本意
寶匣劍空鳴金尊日長醉
吐氣如長虹古人敢追縱
子雲天祿閣宋玉蘭臺宮
奈何出門去荆棘滿中路
當伺天帝醉騎龍躍雲霧
君非知我深何能說曾襟
聊茲寫情素非為庄鳥吟

擬古

迢迢遠別離相去幾萬里
月照魯陽關風吹漢江水
霄夢不可託路迷復中止
登山還有屐涉水亦有舟
我心如懸

旌搖：獨止休常恐瑤華落春風不能留豈君弗識察故
此長悠、安得白鸚鵡銜書東海頭

翠管鳴春暉瑤箏弄秋月孤鸞恐驚飛哀吟中夜發鄭衛
反足貴正始誰復陳若無琴與瑟寧知古風淳

南國有佳人蛾眉艷清秋芙蓉含玉露不足比嬌羞明月
照裳衣清霜肅衾裯因此貞潔性宜為君子速置之昭陽
殿飛燕為足伴

別君能幾時秋葉忽辭柯蠨蛸已在戶流螢亦渡河感物

抱恫結容華恐蹉跎黃鵠飛青雲游魚潛綠波豈不懷契
闊慰此離恨多明月照機杼不織鴛鴦羅

風吹原上樹綠葉如春烟枝條既繁茂根底亦以堅如何
兄及弟骨肉自相懸漢謠一尺布民歌上留田遐心賦春
令我心已悽然緬彼夷與齊千古稱聖賢

殺黽無虎迹頽川有鳳音竭耒千載後此風遂冥况騶虞
固仁獸虺蜴亦何心不念君子懷慕物良以深浮雲西北
來望之如作霖隨風忽飄散汗漫不可尋嗟哉古人遠寂

冥甘棠陰

峨岷崑崙山秀色翠如掃白鶴銜瓊花飛入紅雲島仙人
駕來鳳手弄金芙蓉青童玉節舞鸞笙半空中遺予紫金
丹服之壽無窮相携凌倒景去入紫珠宮

翡翠栖蘭若鴛鴦上錦機物固各有類寸心獨何依春色
來幾日海燕忽雙飛迎風不須入塵滿青樓扉

漢宮起秋風美人感團扇寒帷坐迢夜含愁獨長歎桃李
咲白日垂楊拂青絲既受春風榮芳菲同一時苟欲令偏

瘁造化庸可欺願君心如日照物無恩私

大運有興廢日月不停留君看姑蘇臺至今麋鹿遊漢家
五侯宅富貴誰等儔白玉刻窓戶黃金飾驂騑一朝天氣
肅霜落五花裘風華不待晚露葉已驚秋所以躋遠士志
不忘林丘功成身自退嘯歌常悠悠

北風送王宏也宏事親江西故作是詩以送之勉
孝心之無怠亦以自見也

北風淒淒河水流漸子有行舟在水之湄歲聿云莫遠遊

何之子曰從父于江之西朝夕承事則莫敢違教有訓誨
以培以養克恭清濕淑慎其性子有喬木予曷從而仰吁
嗟我生有獨何心送子于岐泣涕沾襟雲子在山亦在于
谷孝抑有急嗟矣何及勗爾君子毋爾顛覆心焉允臧天
錫之祿執手于郊飲餞于洲我有話言子應不可留江水
悠悠何以寫憂

壞室詩

嗟哉孫生性卓犖超忽榮觀甘菲薄不事繡衣與朱襪獨

處壞室云自樂垣墻孰亢廬傾撲棟撓由來本末弱誰復
極葺聲橐：東方日出明屋角烏號鼠走鷄咿嗟春風吹
花隔疏箔或墮糞溷閤籬落雨濕中甍碧蘚駸偃如病鶴
時俛啄張生牽船坼上泊垂首屈骼同束縛枯莞陞坐足
仍鋌左右圖史列几格探賸索隱博以約汲、鉛槧筆匪
閣如發霜矧耀冰梨南陽西蜀久寂寞枯桑散甕寧可噉
古人見道實宏廓睢盱高堅恒卓、豈患齷齪困屯剝孰
謂後來不復作勗哉強氏之子恪歆尔心志無隕獲苟能

用此充而擴天地於吾一索籥還復氣餒頓錯愕夢寐完
美心灼藥雕墻坎宇豐醴酪若此安足置斷齧勗哉強氏
之子恪

春日對酒

暄風蕩西極萬物皆涵春造化苟無私吾復憂賤貧衰榮
各有運生死仍相鄰百歲但勞苦胡不會共因對此一壺
酒情性亦所折同飲之故舊鄰曲二三人既醉即就睡顏
然忘我身淳源散已久舉立失其真所以靖節翁自惟無

懷民素抱妾窮遠邈哉難具陳

送蔣士元歸秣陵得麗字

伊人倦遊歷逝將從歸計借問將何之秣陵有故第六朝
久湮無江山固非異悠々傷古昔耿耿抱離思曜靈倏西
馳川流復東逝人生匪金玉容顏豈恒麗對此心怕勞握
手不忍棄芳塵歇初席迴塘轉艫曳音容雖已遙念々孰
可既惟當慎所勗貞白乃吾志

對雪懷張山人

壚山雪凌亂暫容還復稀
紫室下脉々著樹弄輝々
咸言綃幕覆々道玉塵飛
野薺隱凍葉園海陸夕
扉悵予忽無緒對酒念
睽遠所欲駕高榜歲暮
託因依先者王孝伯行
披鶴氅

題孫都司燕喜堂

堂上南風四月初陰々
榆柳蔭前除寵恩壽母
尊榮盛青酒嘉賓燕樂
餘窓近果園秋有橘門
當溪水晚多魚閒情自
可幽人賦孝友須看太
史書

送楊子固赴江淞鄉試因挈妻子歸閩中

楊君才思山泉涌戰藝文
場力有餘雁塔定應題
姓字鹿車先挽到鄉閭
江連百粵風濤壯霜落
三山草木踈看尔明年
天上去杏園花發早春
初

題滄洲詩卷後

騎鯨東海上豁然形神清
仰看中天月滄遙吹玉笙
凌晨歸返三山住銀闕
珠宮渺烟霧東風吹亂
碧桃蒼化作紅雲渡波
去

草堂雅集卷之十一

